



Sagarrez beteriko saski bat, Petritegi sagardotegiaren sagastian. PETITEGI

UZTA OPAROA

Guztira 13,2 milioi litro sagardo inguru egin dira Euskal Herrian 2017ko uztan. Horretarako, % 85 inguru erabili da bertako sagarra, eta % 15 inguru ekarri da kanpotik. Aspaldian izan den sagar urte oparoena izan da.

Udaberrian eta udan oso eguraldi ona egin duenez, Euskal Herrian, oro har, sagarrondoak fruituz bete eta aurreratu egin da sagarra jasotzeko garaia. Normalean, irail erdialdea izaten da sagarra jasotzeko garaia, baina 2017an sagardotegi batzuk abuztuaren erdialdetik aurrera jadanik hasi ziren lanean.

Gipuzkoan

Gipuzkoan 12,2 bat milioi litro sagardo egin dira 2017ko uztan, aurreko urteetako kopuru bertsua. Gipuzkoako Sagardogileen Elkarteko sagardotegiek 8 milioi litro egin dituzte, eta aurreko aipatzekoa izan da bertako sagarraren garrantzia, Gipuzkoako Sagardogileen Elkarteko kideen artean egindako sagardoaren %90 izan baita bertako sagarrarekin egina.

Aurtengo uzta kalitatez eta kantitatez oso handia izan da Gipuzkoan, azken urteetan izan den handienetakoa. Sagarra ohi baino lehenago iritsi da,

SETIEN sagardotegia

XII. sagardo txalpelketako sariduna

Oztaran bailara, 11
Gurutza Berri etxea
Tel.: 943-55 10 14 • URNIETA

OTSYA-ENEA
TOLARE SAGARDOTEGIA

Sagardoa botilan salgai

-Sidras Otsua-Enea S.L.-

Osiñaga auzoa • Tel: 943 55 68 94 • HERNANI



Euskal Herriko sagardogileen elkarteetako ordezkariak 2017ko uztako sagardoa aurkeztu zuten Sagardo Apuruan, abenduaren 9an, Donostian. GIPUZKOAKO SAGARDOGILEEN ELKARTEA

baita berandukoa ere. Gipuzkoa osoan parekatua izan da uztza.

Bizkaian

Bizkaian 200.000 litro egin dira 2017ko uztan, %100 Bizkaiko sagarrarekin, Bizkaiko Sagardogileen Elkarteak jakinarazi duenez. Sagar uztza ugaria izan da aurtengoa; lehenago etorri ziren sagar mota batzuk, goiztiarretan batik bat, baina beranduko sagarrak ohiko garaian etorri dira.

Bizkaiko sagardogileek apustu garbia egiten dute beren sagardoa erabat bertako sagarraren bidez egitearen alde. Aurtan, ia egindako sagardo kopuruaren ia bikoitza egin da Bizkaian.

Arabian

Arabako sagardozaleek 50.000 litro inguru sagardo egin dituzte 2017ko uztan, eta, horretarako, %100 Euskal He-

rriko sagarra erabili dute, Arabako Sagazale eta Sagardozale Elkarteak azaldu duenez.

2017ko uztza oso handia izan da Aramaion, baina Trebiñun, beranduko izotza dela eta, ingurutik ekarri behar izan da sagarra. Araban, oro har, sagar oso osasuntsua bildu dute, neurri onekoa, irailean egindako euria dela eta, errendimendu handikoa.

Nafarroan

Nafarroan 300.000 litro egin dituzte 2017ko uztan, Nafarroako Sagardogileen Elkarteak jakinarazi duenez. Beren sagastietatik eta inguruko baserrietatik lortu dute sagarraren %100.

Sagar oso ona izan dute, gainerako herrialdeetan bezalaxe nahiko aurreratu, eta, beraz, sagardo asko eginda, bukatuta egongo dira txotxa irekitzerako.

Lapurdin, Nafarroa Beherean eta Zuberoan

450.000 litro sagarno eta muztio egin dira 2017ko uztan jasotako sagarrarekin. Aurreko urteetan bezala, aurtan ere hirutik bi sagarno eta hirutik bat muztioa edo jusa. Horietatik 250.000 litro Eztigar kooperatibak eginak dira, hori baita sagar ekoizlerik handiena.

Eztigar kooperatibako ordezkariak azpimarratu dutenez, uztza «normala» izan da: «Sagar ona bazen inguruetan, baina ez adarrak hausteko adinako uztza, Gipuzkoan eta Bizkaian gertatu den moduan. Loraldi goiztiarra izan da, eta baita sagarraren etorrera ere. Beraz, ez da urte guztiz ona izan kopuruz, baina bai kalitatez».

Sagarnogileek bertako sagarrez egin dute sagarno, hori baita beren helburua: beharrezko sagar guztia inguruan lantzea.

Larrarte
Sagardotegia

MAIATZA BUKAERA ARTE ZABALIK

Muñagorri Enea · 20115 Astigarraga (Gipuzkoa)
Tel. 943 55 56 47 · Mòbila 679 123 892

Urtarrilaren 18an **ZABALDUKO DITUGU ATEAK!**

oialume zar
sagardotegia

www.oialumezar.com
Iñaki Aratzamena 16, ASTIGARRAGA tel. 943 55 29 38